

2 PITA

Khe Pita Phenatigap Khergi Gap Khe fharav ganinga buni khare.

Pita kha gava khergi kama niien khan muungi. Fhura wari ga shishigap Fhe Bakime buni vhuuin bun nzuav ntan gumgi gu mbigi khiva rui gumgi mbari, mbe ruim, Pita kha gava khergiap, mba guigira Zisas kothigi gumgi gu mbigi ndi mbav, khan mbe nzuai. Nde guigira Zisas kothigi gumgi gu mbigi, nde mba fhura wari ga shishiga Fhe Bakime buni vhuuin bun nzuav nta gumgi gu mbigi khivi gumgi, nde mbe nzuai buni mbarara thari. Mbe nde guigira Zisas kothigi ndikndigi, mbe ntan farfav, vhira nden tivir vhuuin farfagi. Nde mba Zisas farasegi 12 thigi njara gumgi nde khivav nde suangi buni, nde guigira nta suirav havhargiri. Nde maan muunv, nde tuituigip Fhe Bakime kangip, vhira Guma Bakime Zisas Krai kangirga. Mba Zisas farasegi 12 thigi njara gumgi, mbe wari won ringi thugira Zisas gangi. Mbe vhira wari wo khuarira Zisas mbararagim, ana mbe khivav mbe suangi.

Mbe gumgi mbari khan nzuai, “Zisas taagi zirgira fhu.” Kha gap maan nzuai fhu. Kha gap khan nzuai, “Ana taagi zirgira.” Khuen guigira, ana vhemkora zirgira fhuvara. Ne khan muungi, Fhe Bakime kha nuianan ki guma the fhigi rigip, Herar ngirgen vuzvugi fhu. Ana khuen vuzvugi, kha nuianan ki gumgi gu mbigi, mbe za

ndavi domdorgip guigira Zisas kothigiri. Ana maan muungiap, mbarara kha nuianan ki gumgi gu mbigi rargap khar ki. (3.9)

**Nza khaŋ tigip havhargip, tivir
vhuuin muun^{rim}, nta khaŋ tigip
havhargip, nzan kirga, nza mba
gumgi mbatigi nzuai buni, nza nta
daan^{gip} mbur khangirga.**

¹ Gu Saimon Pita, gu Zisas Krai farasarigi 12 thigi ŋaara guma mbe ma. Gu vħira ana ŋaara guma ma. Ana nza Fhe Bakime ma. Ana taagi nza ndi guma ma. Gu kha gava khergiap, nde guigira Zisas kothigap, ndikndiga vhuun ndigi gumgi gu mbigi, gu anan nde ndi mbai. Nde Zisas Kraisan tivar vhuun, nde guigira ana kothigi tiv, ana guigira nza ana kothigi tivara fara muungi.

² Nde ntigem tuituigiap Fhe Bakime kaŋgiap, nza wo Bakime Zisas, nde vħira ana kaŋgi. Nde mba tiva mbuim, Fhe Bakimen kora muubar gum ana ndava miitik kivgip, nden ndavi vherir kiv kirar ħiri.

Fhe Bakime nzan wora mbuigi.

³ Zisas Krai, ana Fhe Bakime ma. Ana won ŋkaŋkar, ana za kha bigir nza nħngi. Mba bigi nza kha ki kirĩ tivi havharap nzan kurkurigim, nza Fhe Bakime suanġi tivi zĩn vui. Nza mba tivir muun zav, ana fhura nza garim, nza tuituigiap ana kaŋgi. Ana wo zĩ bakime gum, won

1:1 2 Ko 4.13; Ef 4.5; Ta 1.4 **1:2** Zu 1.2 **1:3** Zo 17.3; 2 Te 2.14; 2 T 1.9; 1 Pi 2.9

ηkasηka bakime gum, won tivar vhuuη guarara, nza ana phorgiv mba bigi ndir zav, ana nzan kamgi. ⁴ Ana nzan kamgiap, ana bigi vhuuη guarira gum guigira bigi bakivira nza niηgi. Mba bigi, ana fhum ntan nzan niηn za suanηi. Nza kha nuianan ki gumgi gu mbigi, nza bigi garav, nta nzuav ndavi khavi tivi, nta nzan ndavi vherir kav, nza muuηgim, nza guigira mbatigi. Ana guigira bigir vhuuη guarira nza niηgi. Ana nden kurkura zav mba tiva muuηgi. Ana maanη nden muuηgirim, nde mba tivi mbatigi ηkiiav, nde ana kiri tivi gum ana tivi ndirga.

⁵ Ana maanη muuηgim, nde mba bigi ga ndikndigip, nde khaη tigip havhargip, guigira Zisas kothigi. Nde ana kothigi tivara, nde tivir vhuuη muuηri. Nde tivir vhuuη mbui tivara, nde Fhe Bakime kanηiri. Nde ana kanηi tivara, nde tuituigip wari wo vuzvugi ganiri. ⁶ Nde tuituigip wari wo vuzvugi gari tivara, nde thivgip, havhargip, simtigi ndiri. Nde thivgiap, havhargiap, simtigi ndi tivara, nde Fhe Bakimen tivi zin ηgiri. Nde Fhe Bakimen tivi zin vui tivara, nde fegi gu ηgugi girgiri kiri. ⁷ Nde fegi gu ηgugi girgiri ki tivara, nde guigira wari won ndavir harigi ntirir niηri.

⁸ Nde nza wo Bakime Zisas Krai, nde ana kanηi. Nde mba tivi ndigirim, nta khaη tigip havhargip nden kirga, mba tivi, nta fhura nden kegirga tuktigi fhuvara. Zakira fhuvara! Mba tivi, nta khaη tigip kivgip, nden kiv, nta guigira mba vhirve

1:4 2 Ko 7.1; Ef 4.24; 2 Pi 2.18-20; 1 Zo 3.2 **1:5** 1 Pi 3.7; 2 Pi 3.18

1:6 Ga 5.22-23 **1:7** Ga 6.10; 1 Te 5.15; 1 Zo 4.21 **1:8** Zo 15.2;

Ta 3.14

tegirga. ⁹ Mba t̄ivi ki fhuv gumgi, mbe saman ki bigi, mbe nta gangirga tuktigi fhuvara, mbe rimgi mbatigi gumgi farar muungip kirga. Khuen guigi guarara, Fhe Bakime mbe fhum muungi t̄ivi mbatigi, ana nta v̄hizgim, mbe ngarigi. Mba khesarigi gumgi, mbe Fhe Bakime mbe muungi bigi, mbe nta ndikndigi n̄angi. ¹⁰ Nde guigira nza phorgap Zisas kothigi gumgi, Fhe Bakime nden kamgiap, nden wora mbuigi, nde ana gumgi gu mbigi ma. Maan muungiap, nde khan tigip havhargip, anan gumgi gu mbigi guarira kiri. Nde maan muunga, nde rigip, ana tharga fhu. ¹¹ Nde maan muunga, ana nde suanv za tuav fhogirga, nde ana wo gumgi gu mbigi gari ngun ngirgip, zazera mbara muungip kirga. Mba ngu Zisas Kraiss zazera ana ganinga ana Zisas Kraissan ngu ma. Ana nza Bakime ma! Ana v̄hira taagia nza ndi guma ma!

¹² Khuen guigira, nde mba bigi kan̄giap, nde mba buna v̄huuen, nde ne ndigap, nde ne thiga havhargi. Gu khuen vuzvugi, nde mba bigi, nde nta ndikndik n̄ani thari. Gu maan muungip, zazera nde suangen vuzvugi. ¹³ Gu ntigem n̄am kav, gu kha ndikndiga mbui, ntigem tugar v̄huun ma. Gu wom kha bunin nde suanv, nde ndikndigi khavirga, nde taagi mba bigi ga ndikndigirga. ¹⁴ Gu kan̄gi, gu riminga tuk han mbarigi. Nza Bakime Zisas Kraiss maan na suangi. ¹⁵ Maan muungiap, gu khan tigip havhargiap, tuituigip nde suangen vuzvugi. Gu maan muungip rimgirga,

1:9 Hi 9.14; 1 Zo 1.7; 2.9-11 **1:10** 2 Pi 3.17; 1 Zo 3.19 **1:12** Fi 3.1; 1 Pi 5.12; 2 Pi 3.1; 3.17; 1 Zo 2.21; Zu 1.5 **1:13** Zo 21.18-19; 2 Ko 5.1; 2 T 4.6; 2 Pi 3.1

nde zazera gu mba nde suanji bigi, nde taagi nta ndikndigirga.

Zisas farasegi 12 thigi naara gumgi, mbe Fhe Bakimen vhava naara garim, ana Zيسان ki.

¹⁶ Nza wari wo Bakime Zisas Kraiss wo nkasnka bakime phorgip taagi zirigane bun nde suanji. Nza mba Kraiss taagi zirigane bun nde nzuav, nza fhura shishigap guma wo ndikndigar nzuai suambarar nde muunji fhuvara. Zakira fhuvara! Nza wari won ringira Fhe Bakimen vhava naar gum ana nkasnka garim, ni anan kegap him, nza ni gangiap, nza ne bun nde nzuai. ^a ¹⁷ Nza Ndia Fhe Bakime zi bakimen ana niingiap, mba vhava naara vhuun ana niingim, ana anan kav hi. Fhe Bakime, ana nduara Hevenan mba vhava naara vhuun kav, khan Zisas ga nzuai, “Khe nan Kam ma. Gu guigira won ndavar ana niingiap, ana ndikndigi!” ¹⁸ Nza ana phorgap mba mbikshiman naarar kav, nza Fhe Bakime kamthoon mbararagim, ana Hevenan kav, maan suanji. ¹⁹ Maan muunjiap, nza guigira khan tiga havhargiap, mba Fhe Bakime kamthoon gumgi suanji buni, nza guigira nta kothigi. Nde vhira, mbe suanji buni, nde nta suira havhargirga, ne nzerarga. Fhe Bakime kamthoon gumgi nzuai buni, nta rama fara muunjiap gingingi nanen ga ntorgap kav shi. Mba ram, ana mbara muunjiap shiv kirim, Zisas taagi zirigira raan min

1:16 1 Ko 1.17; 1 Zo 1.1 **a** **1:16** Kha kamen, ne Zisas fhav harigi khesharigi. Ndu Matiu 17.1 kegap gani ngip ves 13 thigiri. Ndu vhira Mak 9.2 kegap gani ngip ves 13 thigiri. Ndu vhira Ruk 9.28 kegap gani ngip ves 36 thigiri. **1:17** Mt 3.17 **1:17** Mt 17.1-5; Mk 9.2-7; Ru 9.28-35 **1:19** Sng 119.105; Zo 5.35; VB 2.28

thugirga. Nden ndavi vheri Krai ntan vhen kiv, ana nta shirarga, nta mba min gorim, manera ndai kam kha nuiana shirigi farar muungip nta shararga. ^b ²⁰ Nde kangirga, bigina bakim guarenra khare, ne khan muungip.

Nza fhura wari won ndikndigira, Fhe Bakime buni vhuuip ki gavar, ana buna thuen, nza Fhe Bakime kamthoon gumgi nzuai mbugum, mba buna nien bun suangirga tukti fhuvara. ²¹ Ne khan muungip, guma the wo ndikndigira Fhe Bakime kamthoon guma buni bun nzuai mbugum, buna thuen suangi fhuvara. Zakira fhuvara! Fhe Bakimen Nina Naar, ana nduara mba gumgi ndavi khavav, ana nduara Fhe Bakime bunin mbe ndiim, mbe ana buni bun nzuai.

2

Gumgi mbatigi, mbe guigira Zisas khotigi gumgi gu mbigir ndikndigir farfav, mben ndikndigi ngi.

¹ Khuen guigi guarara, Fhe Bakimen kamthoon gumgir wari guiguigi gumgi mbari, mbe Isrerin rigar hegi. Mba tivara fhura Fhe Bakimen kamthoon gumgir wari ga shishigi gumgi thari, nde rigar hegi, fhura Fhe Bakimen bigir nde gumgi gu mbigi guiguigip, mbe khiviv nde suanga. Mbe zomzoriv, nde rigar mbarkirga tivir nde guiguigip, nde suanga. Mba buni nde guigira

b 1:19 Mba min gorim manera ndai kam, ana Zisas ma. Ndu Vhagi Buni ndi hian rigi gap sapta 22 ves 16 ganiri. **1:20** FG 1.16; 3.18; Ro 12.6; 2 T 3.16; 1 Pi 1.11 **2:1** Mt 24.11; FG 20.30; 1 Ko 6.20; Ef 1.7; 1 T 4.1; 2 T 3.1-5; 1 Pi 1.18; Zu 1.4

Zisas khotiği ndikndiğir farfagiğra. Nza Gari Guma Bakime mbe nzuav rimgiap, mbe vhezgi, mbe kir ana segirga. Mbe mba tivar muuŋv, mbe nduarira vhemkora mbatigiğra. ² Gumgi vhirve mbe mbui tivi mbatigi zin ŋirga. Mbe mbui tivi gumgi vhirver muuŋrim, mbe buni mbatigiğir tivi guari hi tuav ga suanga. ³ Mba gumgi, mbe guigira bigi nihi gumgi ma. Maan muuŋgiap, mbe bigi vhirver nde guiguigip, nde suanv nden ŋkii gu bigi ŋirga. Mbe maan nden muunga, Fhe Bakime fhum guarara mba khesharigi gumgi ga suanv suanga tuga sarigi. Ana khan mbe suangi, mbe fhiriregip, ŋgu mbatigar ŋgegirga. Mba mben hirga bigina mbatigen, ne kui fhuvara. Ne mben rarga mbur ki.

⁴ Nde kangi, fhum Fhe Bakime enseri mbari, maan muuŋgiap tiva mbatiga muen muuŋgim, Fhe Bakime fhura mbe gangi fhuvara. Zakira fhuvara! Ana mbe ndim, Herar mba guigira giŋgi mbok kŋingim, mbe anan ki. Mbe mba binan kav, mbe Fhe Bakime za kha nuianan ki gumgi gu mbigi muuŋgi tivi mbatigi ga suanv mbe suanga tugar rargap mbur ki. ⁵ Mba fhum kegi gumgi gu mbigi, mbe vhirra kir Fhe Bakime segim, ana fhura mbe gangi fhuvara. Zakira fhuvara! Ana mbi bakime sarigim, ana zerav, vhuuŋgia ndav, mbe kharigim, mbe vhiŋgiap, fhireregi. Mba tugen, Noa, ana nduara, Fhe Bakimen tivar vhuuiŋ bun nzuai guma ma. Maan muuŋgiap, Fhe Bakime ana garav, vhirra harathiği gumgi gu mbigi, ana mbe garim,

2:3 Ro 16.18; 2 Ko 12.17-18; 1 Te 2.5; 1 T 6.5; Ta 1.11; 2 Pi 1.16 **2:4**
 Ru 8.31; Zo 8.44; 1 Zo 3.8; Zu 1.6; VB 20.2-3 **2:5** Stt 6.1-7.24; 8.18;
 Hi 11.7; 1 Pi 3.20; 2 Pi 3.6

mbe nzerara kegi, mbe vhezgi fhuvara. ⁶ Fhe Bakime vhira khaᅇ Sodom gu Gomora suangi, mani vhira mbatigirga. Fhe Bakime maan ga suangiap, ana vhavar mba ᅇgu bakini khangim, mani vhira shigim, manin shinini ntige mbur ki. Ana mba tivar mba ᅇgu bakini ga muungim, mani za mbatigi. Maan muungip, zumgum, gumgi gu mbigi, mbe kir Fhe Bakime siv, mbe mba Sodom gu Gomorar hīgi bigeᅇ, mbe ne ga ndikndigirga. Mbe ne ga ndikndigip, mbe vhira warir hirga bigeᅇ, mbe ne kaᅇgirga. ⁷ Mba tugen, tivir vhuuian mbui guma Rot, ana Sodoman ki. Ana kav, mba tivi mbatigi ga mbui gumgi mbui tivi garim, mbe mbarkirga tivi mbatigi ga mbuav, fhura ferferav ruarir wari ndi tivi mbatigi, mbe Sodoman nta mbui. Rot mbe tivi gangiap, ana guigira ndav simgi. Mba tugen, Fhe Bakime taagiap Rot ndigim, ana mbatigi fhu. ⁸ Ahaᅇ, mba tivir vhuuian mbui guma, ana Sodomih rigar kav, mbe mbui tivi mbatigi garav, ana rari tugiratigap, mbe nzuai buni mbatigi mbararagi. Ana mben han kav, ana ndikndik gum anan ndava vhee nzerara ki. Ana kav, mbe mbui tivi daansur zav, ana ndav ᅇgarav guigira zaa mbatik hi. ⁹ Nza Fhe Bakime muungi bigi, nza nta ndikndigap, nza kaᅇgi. Maan muungip, mpampare the Fhe Bakime zin vui guma then hīgirga, Guma Bakime taagi mbe ndirga tuav, ana ana kaᅇgi. Ana taagi mbe ndigirga. Guma Bakime, ana mba gumgi mbatigi mbui tivi, ana nta kaᅇgi. Ana ne suanv vheza mbatigar mben nᅇnga tuap, ana vhira ana

2:6 Stt 19.24; Nam 26.10; Zu 1.7
34.17-19; 1 Ko 10.13; Zu 1.6

2:7 Stt 19.1-16

2:9 Sng

kanġi. Ana ne suanv vheza mbatigar mben niġv, ana vhira mba Fhe Bakime mben tivi mbatigi ga suanv mbe suanga tuga bakimen rarga ki. ¹⁰ Gumgi thari, mbe guigira kivgip, vheza mbatiga ndigirga.

Mba gumgi, mbe ruarir mbigi gu gumgi wari ndi tivi mbatigi guarira mbuav, kha ndikndigi ga mbui, Guma Bakime buni, nta fhura ki buni ma. Nza nta piin kiv, nta zin ngigirga tuktigi fhuvara. Mba khesharigi gumgi mbatigi nden rigar hegi. Mbe riiriv, wari wo vuzvugi zin vui ntiri ma. Mbe maanv mbuav, mbe kha buivar ki ġiningi, mbe buni mbatigir mbe suangen rivi fhu. ¹¹ Mba Fhe Bakime enseri, mbe guigira mba ġiningi kambarav, mbe guigira ġkasġka bakime ki. Mbe ne ndikndigap, Guma Bakime niman buni mbatigir mba ġiningi ga nzuav, mbe nzuav, Guma Bakime nzuai fhuvara.

¹² Mba khesharigi gumgi, mbe ruanruangi sigi fara muunġiap, mbe ndikndigi ki fhuvara, mbe fhura shishiga rui. Mbe ruanruangi sigi fara muunġi guma, mbe fhura ana suirav, ana shogirim, ana ringirga. Mbe kakagi bigi, mbe fhura buni mbatigir nta nzuai. Mbe mba sigi mbarigi tivara Fhe Bakime vhira mba tivara mben muunġirim, mbe mbatigirga. ¹³ Mbe zaagi gu simtigir harigi gumgi ga niġi, Fhe Bakime nen ġkarigar muunġip, mben muunga. Mbe kha ndikndiga mbui, raan mba kivgia pav, phara ġanġani kivgia pi ne, ne guigira ndikndigi tiv ma. Mbe nde phorga pav, mbe nde mbuim, nde

2:10 Zu 1.4-10; 1.16 **2:11** Zu 1.9 **2:12** Zu 1.10 **2:13** Ro 13.13; 1 Ko 11.20-21; Fi 3.19; Zu 1.12

nzanžanžim, mbe nden zırir farfagi. Mbe wo guiguigi tıvi, mbe guigira ntan ndikndigi. ¹⁴ Mbe zazera mbigi garav, rimgi phara tuav, ruarir mbe ndirgen ndikndigi. Mbe mba tıvi mbatigi ga mbui vuzvuk, mbe ana vhezgi fhuvara. Mbe guigira Zisas kothigi ndikndik havhargi fhuv gumgi, mbe mben raan shav, tıvi mbatigir muun zav, mbe ŋgi. Mbe vħıra harigi gumgi bigi garav nta niihi tıvi, mbe guigira nta kaŋgi. Maan muunġiap, Fhe Bakıme guigira mben farfagirga. ¹⁵ Mbe kır tuav guara segap, mbe fhura ŋanġana mbui. Mbe Beor kama Baram vugi tuap, mbe anan vui. Ana tıvi mbatigi ga muunġiap, ana guigira mba tıvi mbatigir vhezı ndirgen vuzvugi. ¹⁶ Fhe Bakıme Baram donki ga muunġim, ana guma fara muunġiap kamthoon ntarav, Baram muunġi tıvi mbatigi ga nzuav, ana vhegi. Mba donki maan mba Fhe Bakıme kamthoon guma ga muunġim, ana mba ŋanġangi ndikndıga mbatigen, ana ne thagi.

¹⁷ Mba gumgi, mbe mbogi phara mbaagi fara muunġi. Mbe vħıra buiva phıgıvıge fara muunġi. Bııŋbııŋ bakıme zav nta sim, nta fhura tamtam vui. Fhe Bakıme mbe nzuav muunġi ŋanen ġıgıngıap, guigira phıgi, mbe mba ŋanen kırğa. ¹⁸ Mba gumgi, mbe fhura wari wo nzuai buni mbatigi ga nzuav ndikndıgap, fhura tuava pura rui. Mbe fhura gumgi ndavi ga sav, ruarir mbigi ndir zav gumgi raan shav, mbarkırğa tıvi mbatigir wari wo fhavir muun zav mbe nzuai.

2:15 Zu 1.11; VB 2.14 **2:15** Nam 22.4-35 **2:17** Zu 1.12-13
2:18 FG 2.40; 2 Pi 1.4; 2.20; Zu 1.16

Mbe mba tiva mbuav, mba ntigera ndava vura tivi thagi gumgi, mbe mbe ngim, mbe mba gumgi mbatigi zin vui. ¹⁹ Mba gumgi mbatigi khan nzuai, “Nde nza zin ngirga, nde bikbigirga. Nde bikbigip, nde wari wo vuzvuga zin ngip, nde za kha bigir muunga.” Mbe maan nzuav, mbe nduarira za mbatigirga tivir nara gumgi ki. Ne khan muungi, guma fhura tiva thuen ganirim, ne ana ganinga, mba guma mba tiven nara guma ki. ²⁰ Mbe guigira Zisas Krais kanji, ana nza Bakime ma. Ana vhira taagia nza ndi guma ma. Mbe ne kanji ndikndik mben kurkurigim, mbe kha nuanan tivi mbatigi, mbe nta nkii. Mbe maan muungip taagi ngip, mba bigi phorgip ntan muunga, nta wom mbe kegirga, mbe guigira za mbatigirga. Mbe fharav mba tivi mbatigi ga mbuav, mbe mbatigi. Mba tivi mbatigi ntige wom mbe kegirim, mbe ntan binan kirga, mbe guigi guarara za mbatigirga. ²¹ Mbe tivir vhuun tuav kanjirga fhuv, ne nzerarga. Ne khan muungi, mbe ntigem mba tuav kanjiap, mbe Fhe Bakime nzuai tivi nari, mbe vhira nta kanjiap, nta ndigi. Mbe nta ndigap, wom kir nta segi. ²² Mba mben hi tivi, nta guigira, mbe ntan vhunama sav khan nzuai, “Fian ana viagiap, ana wom vov, wo viagi pi.” Mbe nzuai kama muen vhira khan nzuai, “Dam ruagiap, wom vov, noniga ndogi.”

3

Guigi guarara Guma Bakime taagi zirirga.

2:19 Zo 8.34; Ro 6.16; 1 Pi 2.16 **2:20** Mt 12.45; Ru 11.26; Hi 6.4;
2 Pi 1.2-4 **2:21** Ru 12.47-48; Zo 9.41 **2:22** Snd 26.11

1 Nde nan kivntogi guari, gu ntigem phenatitigap kha gava khergiap nde ndi mba. Gu kha gavanin, gu nde ndikndigi khavi. Nde mba bigi ga ndikndigip, nden ndikndigi ngaravra kirga. ² Gu khuen vuzvugi, nde taagip mba zumgum hirga bigir buni ga ndikndigirga, mba buni Fhe Bakimen kamthoon gumgi fhum nta bun suangi. Nde nta ndikndigip, nde vhira Guma Bakime suangi tiva ndikndigirga, ana taagia nza ndi Guma ma. Nde mba Zisas farasegi 12 thigi njara gumgi, Zisas han zav mba tiva ndigap, ana bun nzuaim, nde mba tiva mbararagi.

³⁻⁴ Nde mba kangirga bigina bakime khare, ne khan muongi. Zisas taagi zirirga tuk han mbararga, Fhe Bakime buni vhuuin nzi gumgi hegirga. Mbe hegip, wari won ndavi vuri vuzvugi mbatigi zin ngirga. Mbe wari won ndavi vuri zin ngip, Fhe Bakime buni vhuuin sihv, khan suanga, “Ana khan suangire, ana taagi zirga? Ana maan suangiap, ana maan ki? Ana zirirga fhuvara. Nzan nzi fhum kav vhezgim, mba tugen kegap zav ntigem, kha bigi nta fhum Fhe Bakime kha nuian gu bigi ga muongim, nta mba ki mbugum mbara muongiap khar ki.” ⁵ Mbe tuituigip mba bigi ga ndikndigip, nta kangirgane thagi. Fhum guarara Fhe Bakime nzuaim, buip higi. Fhe Bakime vhira nzuav, mbaram mbi kuvigim, nuian higi. ⁶ Fhe Bakime zumgum nzuaim, mbi higap za

3:1 2 Pi 1.13 **3:2** Zu 1.17 **3:3-4** 1 T 4.1; 2 T 3.1; 2 Pi 2.10; Zu 1.18 **3:3-4** Ais 5.19; Jer 17.15; Ese 12.22; 12.27; Mt 24.48; Ru 12.45 **3:5** Stt 1.6-9; Sng 33.6; Kor 1.17; Hi 11.3 **3:6** Stt 7.11; 7.21; 2 Pi 2.5

kha nuiana phorgim, kha nuian mbatigi. ⁷ Ntigem, Fhe Bakime mba khesharigi kama muenra suangi. Kha buip gum nuian, mani vhavar rarga khar ki. Vhav higip, za mani shiv, manin farfagirga. Kha buip gum nuian, mani ntigem Fhe Bakime kha nuianan kav, kir Fhe Bakime segi gumgi gu mbigi muungi tivi mbatigi ga suanjv mbe suanga tugar rarga ki. Mba tugen, mba kir Fhe Bakime segi gumgi gu mbigi, mbe za mbatigirga.

⁸ Nde nan kivntogi guari, nde kha bigen ndikndik nani thari. Guma Bakimen ndikndigar, ana gari, ra bavira, ana 1,000 mpari fara muungi. Ana 1,000 mpari garim, nta ra bavira fara muungi. ⁹ Gumgi mbari khar nzuai, Guma Bakime wo suangi bigi, ana mbarara nta mbui. Gumgi mbari maan nzuai. Zakira fhuvara! Guma Bakime ana wo suangi bigi, ana mbarara nta mbui fhuvara. Ana guma the fhigirigip ngu mbatigar ngirgane thagi. Ana khuen vuzvugi, kha nuianan ki gumgi gu mbigi za ndavi dorgirga. Ana maan muungiap, mbarara nde mbuav, nden rarga khar ki.

Kha nuian gu buip vhezgirga.

¹⁰ Guma Bakime taagi zirirga tuk vhemkora higirga, ana kii guma zi tivar muungirga. Mba tugar buip furap, khikhim bakime hegip, za vhezgirga. Fhe Bakime kha nuian gu buiva muungi bigi, nta za vhav nta shigirim, nta za vhezgirga. Maan muungiap, kha nuian gum mbe ana muungi

3:7 Mt 25.41; 2 Te 1.8; 2 Pi 3.10 **3:8** Sng 90.4 **3:9** Ais 30.18; Hab 2.3; Ro 2.4; 1 T 2.4; Hi 10.37; 1 Pi 3.20 **3:10** Mt 24.29; 24.35; 24.43; Mk 13.31; Ru 12.39; 1 Te 5.2; Hi 1.11; VB 16.15; 20.11

bigi, nta khar ki, nta wom kegirga fhu. ^a ¹¹ Maan muungip, nde ndikndigi, kha bigi mba tivara muungip vhezgirga. Nde ram muungi ndikndiga mbui? Nde ram muungi tiva zin ngirie? Nde wari won ruru tivi gu bigi ndiv, Fhe Bakime farve khingip, nde ana niman tivir njaarira zin ngip, nde Fhe Bakimen tivi, nde zam nta zin ngiri. ¹² Nde mba tiva zin ngip, nde Fhe Bakime tuga hirgen rargip, wari kiri. Nde kiv, mba tugar vhezgirga, wari kiri, mba tuk vhemkora higurga. Mba tugar kha buip shiv za vhezgirga. Mba vhava shiri guigira kivegirga shiv, Fhe Bakime kha buiva muungi bigi za shiv, za mbi gegirga. ^b ¹³ Fhe Bakime suangi, ana nuiana kaman muunv buiva kaman muungirga, mba nuianan kirga gumgi gu mbigi za tivir vhuunra muunga. Nza mba bigen hir za mbuim, nza nera rargap, khar ki.

Nza tuituigira wari ganiv, Guma Bakimen rargip, wari kirga.

¹⁴ Nde nan kivntogi guari, nde mba bigi hir za mbuim, nde ntan rarga wari ki. Maan muungiap, nde khan tigip havhargip, wari won ruru tivi gu bigi ganiv, nde Fhe Bakime niman njaravra kiv, nde bigin thuenj suanjv simtik kirga fhu. Nde Fhe

^a **3:10** Kha vezar mbe Grikar kaman suangi kamenj ne tuituigiap hige fhuvara. **3:12** Ais 34.4; Mai 1.4; 1 Ko 1.7; Ta 2.13; 2

Pi 3.10 ^b **3:12** 2 Pita 3.9 khan nzuai, “Guma Bakime zi fhuv ne khan muungi.” Ana tugar za kha gumgir nningirim, mbe za ndavi dorgirga. Maan muungip, kha gumgi gu mbigi, mbe za wari won ndavir Fhe Bakimen nninga. Mba tiv, ana Guma Bakime taagi zirirga tuga ndi han zirga. Ndu FG 3.19 kegip, gani ngip, ves 21 thigiri. **3:13** Ais 65.17; 66.22; VB 21.1; 21.27 **3:14** 1 Ko 15.58; Fi 1.10; 1 Te 3.13

Bakime phorgiv ndava bavira kiri. Guma Bakime taagi zirirga tugar, Fhe Bakime nde ganinga, nde ndavi mbirarga. ¹⁵ Nza Guma Bakime nzan rar-gap, ana mbarara nza mbuav ki. Nde khuen kangiri, ana maan mbui, ne khan muunggi, ana taagia nza ndir za mbui. Fhe Bakime ndikndiga vhuun guarara nzan fek Por ga nningi. Ana vhira mba kamen khergiap, nde ndi mbarigi. ¹⁶ Ana kheri gavi, nta zam kha kamen nzuai. Khuen guigira, kha gavir ki buni mbari, nta ntiriven za kirar higi fhuvara. Nza nta ntiriven kangi zav, nta nzuav njaara mbatiga mbui. Maan muungiap, bigi kangi fhuv gumgi gum mba Zisas Krai khotigi ndikndik havhargi fhuv gumgi, mbe pham kha buni bun nzuav, vhira Fhe Bakime buni vhuun ki gavar ki buni, mbe vhira pham nta nzuai. Mbe maan mbui, mbe nduarira warira farfagi, mbe za mbatigirga. ¹⁷ Nde nan kivntogi guari, nde mba zumgum hirga bigi, nde nta kangi. Maan muungiap, nde tuituigira wari ganiri. Nde fhura Fhe Bakime suangi tivi daasui gumgi ganirim, mbe nde guigira Zisas khotigap, thiga havhargi ndikndigi ngi thari. ¹⁸ Nza Bakime Zisas Krai, ana taagia nza ndi guma ma. Ana nden kora mbuim, nde tuituigiap ana kangi. Nde fhura Kraisan kora muumbara ganirim, ana nde ndavi havharirim, nde guigira ana kangiri. Ana guigira zi bakime ki. Nza ana zi ndiv vun kuamkuav, nza vhira zazera mbara muungip ana zi ndiv vun kuamkuarga. Ne

3:15 Ro 2.4; 1 Pi 3.20; 2 Pi 3.9 **3:16** Ro 10.3; 1 Ko 15.51; 1 Te 4.15

3:17 Mk 13.5; 13.23; 13.33; 1 Ko 10.12; Ef 4.14; 2 Pi 1.10-12 **3:18**

Ef 4.15; 2 T 4.18; 1 Pi 2.2; Zu 1.25; VB 1.6

guigi guarara.

Fhe Bakimen Kaman Kamen Kire New Testament

copyright © 2001 Pioneer Bible Translators

Language: Kire

Translation by: Pioneer Bible Translators

Fhe Bakimen Kaman Kamen in the Kire Language

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at www.pioneerbible.org

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 11 Nov 2022 from source files dated 29 Jan 2022

bfb792d-a7df-5425-8e30-1e4968f04468